



GUOVDAGEAINNU SUOHKANA LEAVGANJUOLGGADUSAT

**Dohkkehuvvon suohkanstivrras
19.06.2025 áššis 31/25**



§ 1 Láhavuodđu

Njuolggadusaid vuodđun leat čuovvovaš:

- Láhka 10.12.1898 nr. 1 Norgga leavvga birra
- Láhka 29.06.1933 nr. 2 levgema birra suohkana almmolaš visttiin (rievidaduvvon 2021)
- Láhka 12.06. 1987 nr. 56 sámegielaide birra (sámeláhka), § 1-6. Sámi leavga
- Láhkaásahus 21.10.1927 nr. 9733 stáhta- ja gávpeleavvga geavaheami birra
- Láhkaásahus 06.07.1933 vieris riikkaid leavvga birra suohkanlaš visttiin
- Láhkaásahus 27.05.2004 nr. 1087 sámi leavvga geavaheami birra
- Suohkanstivrra mearrádus 27.03.2025 áššis 11/25

§ 2 Sámi leavga

Sámi leavga lea oktasaš sámiide Norggas, Ruotas, Suomas ja Ruoššas ja lea dasto olles sámi álbmoga oktasaš álbmotsymbola.

Sámi leavga lea dohkkehuvvon 13. Davviriikkalaš sámekonfereanssas borgemánu 15. b. 1986.

§ 3 Norgga leavga

Norgga leavga gávdno guovtti hámis:

- Stáhtaleavga (mas lea “luddestat ja njuovčča”): Adno stáda ásahusain.
- Gávpeleavga (njuolggočiegat): Suohkanat atnet dan ja dat rehkenastojuvvo nátionáaleavgan.

Buot leavvggaid galgá meannudit gudnejahttimiin ja árvvolašvuodain. Dat ii galgga guoskat eatnamii dahje leahkit duolvvas. Gollan leavvggat galget čuhppojuvvot iešguđet osiide ovdal go dat bálkestuvvojit.

Go levge mánggain leavvggain, de galgá Norgga leavvagas álo leat alimus árvodássi ja dat galgá biddjot gurutbeallái go geahččá leavvga guvlui (dat mearkkaša olgeš bealde leavgastoalppu geahččanguovllus).

§ 4 Eará leavvggat ja čohkaleavvggat

- Fátmmastanleavga (oktavuođain main lea lunddolaš)
- Eará leavvggat mearkabeivviid, čalmmustemiid dahje lágidemiid oktavuođas main lea almmolaš beroštupmi, vrd. suohkanstivrra mearrádus áššis 11/25

Ovdamearkkat eará leavvggain:

- ON leavga (ON-beaivi)
- Eará riikkaid leavvggat (vrd. láhkaásahus 06.07.1933 eará riikkaid leavvggaid birra)
- Suohkana leavga, jus dakkár gávdno
- Báikkálaš festiválaid, falástallandoaluid jna. leavvggat

Sáhttet maid adnot nátionála čohkaleavvggat dahje lágideapmái ráhkaduvvon sierra čohkaleavga. Čohkaleavvggat sáhttet heangát olles áiggi áigodagas miessemánus golgotmánnui leavgabeivviid gaskkas. Dat galget leat golmmačiegagat, eai ge leat guhkit go 1/3 leavgastákku allodagas.

Go mánga leavgga heanǵájit, de galgá daid sadi ja ortnet čuovvut mearriduvvon norgga leavgavieru.

Suohkandirektevra mearrida makkár leavggaiguin levgejuvvo.

§ 5 Leavgabeaivvit

Norgga ja/dahje sámi leavggain levgejuvvo čuovvovaš beivviid:

Buot almmolaš Norgga ja sámi leavgabeivviid, gč. § 4 Láhkaásahusas stáhtaleavgga ja gávpeleavgga levgame birra ja § 4 Láhkaásahusas sámi leavgga levgame birra.

Norgga Sámedikki válgabeivviid galgá levgejuvvot sámi leavggain.

Eará vejolašvuodát levget Norgga ja sámi leavggain dahkko árvvoštallama vuodul.

§ 6 Áigemearri goas levgejuvvo

Leavga gessojuvvo bajás diibmu 08:00 ja gessojuvvo vulos beaivvášluoitádeamis, muhto manemus dii. 21:00 jus beaivváš luoitáda manjel dan áiggi.

Skábmamánus gitta guovvamánui gessojuvvo bajás leavga dii. 10:00 ja gessojuvvo vulos dii. 15:00.

Jus leavgabeaivi lea bassebeaivi dahje sotnabeaivi, gustojit seamma áiggit

§ 7 Gos levgejuvvo

Almmolaš leavgabeivviid levgejuvvo čuovvovaš sajiin:

- Guovdageainnu dearvvašvuodaguovddážiis
- Máze ásodat- ja fuolahusguovddážiis

Guovvamánu 6. beaivvi ja miessemánu 17. beaivvi lassin levgejuvvo Guovdageainnu skuvllas ja Máze skuvllas, ja Báktehárjjiis jus lágideamit leat doppe.

Erenoamáš oktavuodain sáhtta atnit eará leavgastákkuid. Dan mearrida suohkandirektevra.

§ 8 Ovddasvástádus ja čađaheapmi

Suohkandirektevrras lea delegerejuvvon ovddasvástádus levgame čađaheapmái, ja maiddái árvvoštallat ahte ii galgga levget dálkkiid dahje eará geavatlaš dilálašvuodaid geažil.

§ 9 Fápmuibohtin

Dát njuolggadusat bohtet fápmui suohkanstivrra geassemánu 19. beaivvi 2025 mearrádusa manjel ja bohtet ovddeš njuolggadusaid ja geavahusa sadiái. Rievdadusaid galgá suohkanstivra meannudit.